



PORTA-VOZ
V GOVERNUN
KONSTITUSIONÁL



KOMUNIKADU
BA MEDIA

Loron 20 Fulan Dezembru Tinan 2012
Díli, Timor-Leste

Komunikasaun Sosiál enkoraja atu regula an rasik hodi aseguara prátika internasionál ho di'ak

Atu adere ba komemorasaun ba loron Internasionál Dereitu Umanu nian, iha semana kotuk, ne'ebé importante tebes ba Timor-Leste atu refleto kona-ba liberdade ba imprensa, hodi fó atensaun liu ba devér no dereitu atu informa no hetan informasaun.

Komunikasaun sosiál, iha Timor-Leste konsidera hanesan sanak Estadu nian da-limak. Liberdade ba imprensa no komunikasaun sosiál hanesan parte importante ida hodi harii demokrasia, promosaun no protesau ba ambiente informativu ida, ne'ebé justu, independente hanesan aspetu importante ida ba konstrusaun nasaun nian.

Bainhira selebra Aniversáriu Restaurasaun Independénsia ba 10^o, Timor-Leste konsidera katak, iha aspetu barak maka Timor-Leste sei nasaun nurak hela. Komunikasaun sosiál, nune'e mós iha instituisaun hotu-hotu, ajénsia no sanak ba Estadu nian, hala'o desenvolvimentu ho regulamentasaun ne'ebé sei iha hela prosesu konsulta no análise entre líder sira setór privadu nian no partisipante sira. Tenke kumpri prátika ruma ne'ebé di'ak tuir norma internasionál sira hodi promove integridade ba meu komunikaksaun sosiál, liliu durante período krítiku konstrusaun Estadu ne'e nian.

Norma internasionál sira garante separasaun entre publi-reportájen, publisidade ne'ebé hetan selu maibé publika ho karakterístika formál repotajen nian, no liberdade editoriál ne'ebé sai hanesan konteúdu eskritu jornál nian, tuir independénsia no enkuadramentu étiku-normativu ne'ebé prezide ba ezersísisu jurnalizmu nian. Ema ida labele halo buat rua. Kria separasaun ida proteje komunikasaun sosiál, sidadaun sira husi konflitu interese oioin ka potenciál abuzu podér nian. Abuzu podér bele envolve ema ka organizasaun ne'ebé selu ba elaborasaun editoriál ne'ebé favorável, maske halo pagamentu tuir meu legál"kustu ba publisidade nian".

Situasaun oinseluk mós bele sai hanesan de'it, bainhira sira ne'ebé maka lakohi selu publisidade bele sai hanesan objetu kampaña ne'ebé agresivu no naruk husi komunikasaun sosiál. Atu separa publi-reportajen husi liberdade editoriál, sira ne'ebé maka hakerek laiha relasaun ho transasaun finanseira kona-ba publisidade, tan ne'e laiha alvu ba prekonseitu iha elaborasaun editoriál.



Ágio Pereira
+670 7704 5002
agio.pereira@cdm.gov.tl
govtlmedia@gmail.com
www.timor-leste.gov.tl

Hanesan iha kualkér empreza ka organizasaun, transasaun finanseira tenkesér transparente atu garante katak laiha partidu ida, organizasaun ka individu maka halo hela kontribuisaun finanseira ne'ebé la tuir lei atu elabora ajenda spesífiku ida iha komunikasaun sosiál, favorável ka halo haat.

Boa governasaun implika katak laiha ema ida, organizasaun, Instituisaun Estadu nian, ka membru instituisaun nian atu bele interfere ka halo tauk kualkér jornalista ka meu komunikasaun kona-ba konteúdu, jornalismo investigasaun nian ka editoríal nian. Ida-ne'e impede liberdade imprensa no sobu papél komunikasaun sosiál independente ida nian.

Importante tebes atu meu komunikasaun sosiál iha Timor-Leste fó informasaun no hanorin, ho kuidadu no dedikasaun, povu ita nia nasaun nian ho representasaun loloos, imparsiál no labele tendensiozu ho lei no regulamentu ita-nian, bainhira refere ba Konstituisaun.

Ministru Estadu, Ágio Pereira, konsidera katak, " ita tenke iha orgullu ba avansu iha ita-ninia setór komunikasaun sosiál no ba mane no fetu sira ne'ebé maka pertense ba komunikasaun sosiál ne'e. Sira hala'o sira nia kna'ar iha klima ida livre no justu, ne'ebé hetan apoiu hosi lei sira ne'ebé proteje sira ninia servisu no liberdade imprensa nian. Nu'udar país foun ida, ita tenke kontinua hatudu prátika internasionál sira ne'ebé di'ak iha setór hotu-hotu atu avansa ho ita-ninia perkursu dezenvolvimentu nian no garante rezultadu sira justu no hanesan ba sidadaun hotu-hotu". **FIM**



Ágio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl